

R. Pere Georges negotia au Conseil & avec les gens du Roy apres en auoir parlé à Sa Maiesté & presenté les articles cy-dessus, mais qui ont autant aduancé le Canada qu'on a contribué à l'execution & accomplissement d'icelles.

- 91 *Voyage des Peres Guillaume & Irenée Recolleçs, pour le Canada. — D'un Sauuage baptisé & mort sur mer, & de quelques ceremonies des Montagnais pour les malades.*

CHAPITRE VIII.

Les visites des Superieurs dans les Ordres sacrez, sont tellement importantes & necessaires que sans icelles, l'Ordre delaisse d'estre ordre & se peruertit par ce delaissement. Ce fut la raison pour laquelle nos Peres assemblez au Chapitre tenu l'an 1622, firent eslection du R. P. Guillaume Galleran pour Commisfaire du Canada auquel on donna pour compagnon le R. P. Irenée Piat qui des long-temps desiroit s'employer à la conqueste des ames des pauvres Sauuages. C'estoit un choix qu'on ne pouuoit faire meilleur & qui eut fait beaucoup s'il eut esté bien assisté, mais Sa Maiesté, ny contribuant rien ou fort peu, les marchands n'ont pas eu assez de puissance non plus que de bonne volonté pour parfaire un si grand œeuure que de reduire ces peuples & rendre le país florissant, comme il se pourroit faire si on y employoit les des-